



partii naleraq

UKA2015/48

10.nov 2015

**Inatsisartunut Naalackersuisunullu il.il. ilaasortat aningaasarsiaqartitaanerat il.il. pillugit Inatsisartut inatsisaani § 6 imm. 6 naapertorlugu Naalackersuisut allanngueqqullugit, Naalackersuisut peqquneqarnissaannik Inatsisartut aalajangiiffigisassaattut siunnersuut, taamaasilluni Naalackersuisunut ilaasortat ulloq 1. januar 2016 aallarnerfigalugu Namminersorlutik Oqartussat atorfirmut atasumik pinngitsoorani inigisassatut inigitittagaanni ineqarnermut akiliutinik naatsorsuisarnermi maleruagassat qaqugukkulluunniit atuuttut 100 %-iinig ineqarnermut akiliuteqartalersillugit.**

(Inatsisartuni ilaasorta, Tillie Martinussen, Demokraatit)

Inatsisartunut ilaasorta Tillie Martinussen Demokraatit Naalackersuisut ilaasortat ineqarnerminnut tamakkiisumik akiliisalernissaannut tunngasumik tamannalu Partii Naleqqamiit naatsumik oqaaseqarfigissavarput.

Naalackersuisunut ilaasortat ineqarnerminnut tamakkiisumik akiliuteqartarnissaat pillugu saqqummiussaqaarneq Partii Naleqqamiillu isummersorfigissavarput.

Naalackersuisunut ilaasortannorneq inuiaqatigiinni sullissineruvoq pisussaaffinnik annertuunik ingerlatsiffiusartoq nuannersunik nuanniitsunillu.

Naalackersuinikkut atugassarititaasut qinikkat eqqarsaatigalugit pitsaanerpaatut taassallugit ilumunngitsoq oqaatigisariaqarpoq pingaartumik sinerissamiit Nuuk-mut nuulluni atukkat eqqarsaatigalugit.

Sinerissami najugaqarluni Naalackersuisunut ilaasortannorneq nuuttariaqalernermik kinguneqartarpoq, inuusaaseq allarlunnaq ilaqutat ikinngutit nammineq inigisat qimallugit nuuttarneq oqitsuinnaanngitsoq oqaatigisariaqarparput.

Soorunami kissaatiginanngilluinnartarpoq sinerissamiit nuukkanni aamma ineqarnermik annaasaqannginnissaq pillugu illugisaq amerlasuutigut tigummiinnarneqartarpoq taavalu inigisamut akilersuinerit kiassarnerit aserfallatsaaliinerit akilersugassanngortarlutik, tassalu marloriaammik ineqarnermut sinerissamiit aggersimagaanni akilersuisoqalertarpoq taamaattumik siunnersuut ilalersinnaanngilarput.

Allaat siunnersuutigerusunnarsinnaagaluarpoq sinerissamiit aggersut marloriaammik ineqarnerminnut akilersuisut immikkut tapimik tunineqarsinnaanerat ammaattariaqartariaqaraluartoq.

Hans Enoksen